

U skladu sa odredbama člana 12. i člana 15. Pravilnika o uvođenju, kategoriziranju i dodjeljivanju nagrada Fondacije „Idriz Jakupović“, na osnovu Izvještaja Komisije za dodjelu nagrada za postignuće u izgradnji mira i međuetničkog dijaloga „Dialogum fundatio“, u cilju promoviranja najviših civilizacijskih vrijednosti i postignuća u društvu u kategoriji izgradnja mira i međuetničkog dijaloga, Upravni odbor Fondacije „Idriz Jakupović“ na svojoj 14.sjednici koja je održana dana 02.04.2018.godine u Prijedoru, donio je s l j e d e ć u

## **ODLUKU**

**o dodjeli nagrade za postignuće u izgradnji mira i međuetničkog dijaloga  
„Dialogum fundatio“**

*n a i m e*

**A H M E T K E M A L B A Y S A K**

*iz Republike Turske.*

## **Obrazloženje**

Komisija za dodjelu nagrade za postignuće u izgradnji mira i međuetničkog dijaloga „Dialogum fundatio“, u sastavu: Mr.sci.Kemal Čolak (Bosna i Hercegovina), predsjednik, prof.dr.sci.Wolfgang Berger (Austrija), član, prof.dr.sci.Mirko Tripunovski (Makedonija), član, prof.dr.sci.Dinko Čorluka (Bosna i Hercegovina), član, prof.dr.sci.Vesna Novaković (Bosna i Hercegovina), član, msc.Armin Alijagić (Holandija/Bosna i Hercegovina), član, Elizabeta Josipović,dipl.ekonomista (Bosna i Hercegovina),član, imenovana je od strane Upravnog odbora Fondacije „Idriz Jakupović“ odlukom broj: 03-02/2018 od 16.02.2018.godine da izvrši postupak vrednovanja nominiranih kandidata za dodjelu nagrade Fondacije u datoj kategoriji.

Za predmetnu nagradu Fondacije, u užem krugu izbora, nominirana su tri kandidata i to: Ahmet Kemal Baysak iz Republike Turske, Diego Moscheni iz Republike Italije i Dragan Kolev iz Republike Srbije.

Komisija je, u skladu sa datim Kriterijima (interni broj:KKDN-01-1/2018), izvršila vrednovanje nominiranih kandidata i zaključila da nominirani kandidat Ahmet Kemal Baysak ima najveći rang osvojenih bodova, o čemu je sačinjen Izvještaj imenovane Komisije broj: N-10/DF od 30.03.2018.godine, koji je upućen Upravnom odboru Fondacije na razmatranje i usvajanje.

Razmatrajući predmetni Izvještaj Komisije, Upravni odbor Fondacije je na svojoj 14. sjednici koja je održana dana 02.04.2018.godine odlučio kao u dispozitivu.

U prilogu se dostavljaju relevantni biografski podaci o dobitniku nagrade.

Broj odluke Upravnog odbora: 10-05/2018

Datum Odluke: 02.04.2018. godine.

**Direktor Fondacije**  
Dr.med.dent.Ajdin Jakupović


**Predsjednik Upravnog odbora Fondacije**  
Prof.dr.sci.Sanel Jakupović

## PRILOG

uz Odluku Upravnog odbora Fondacije za stipendiranje učenika i studenata „Idriz Jakupović“ o dodjeli nagrade za postignuće u izgradnji mira i međuetničkog dijaloga „*Dialogum fundatio*“, broj: 10-05/2018 od 02.04.2018.godine

### BIOGRAFSKI PODACI O DOBITNIKU NAGRADE „*DIALOGUM FUNDATIO*“

#### AHMET KEMAL BAYSAK



Fotografija Ahmet Kemal Baysak

**Ahmet Kemal Baysak** rođen je u Izmiru u Općini Karşıyaka 31.01.1933. godine kao unuk porodice GREBO (LJUBINJE) sa očeve strane i RESULOVIĆ (TREBINJE) sa majkine strane koji su izbjegli 1878 godine iz Bosne i Hercegovine u TURSKU. 1951 godine Gospodin BAYSAK je završio Mithat-Paša Muški Zanatski Institut. 1.jula 1954 godine Cemal TERCAN , Salih Şükrü BAYSAK , Şükrü BAYSAK i Ahmet Kemal BAYSAK su udarili prve temelje TERBAY Grupacije. Ahmet Kemal BAYSAK je Osnivač i Počasni Predsjednik TERBAY Grupacije.

U periodu od 27. marta 1994. do 18. aprila 1999. godine dok je gospodin BAYSAK obavljao funkciju načelnika Općine Karşıyaka u Gradu Izmiru, uspostavio je saradnju na međunarodnom nivou i radio je na izgradnji kulturnih, sportskih i obrazovnih objekata te na poboljšanju uslova života građana. U različitim periodima gospodin BAYSAK se nalazio na različitim većim funkcijama u Industrijskoj Komori Egejske Oblasti i Organizovanoj Industrijskoj Zoni Ataturk Izmir , kako unutar tako i van države nastavlja da učestvuje u radu fondacije “MEKSA” (Fondacija za Podršku Stručnom Obrazovanju i Malim Industrijama) čiji je osnivač. Zbog velike ljubavi prema planinarenju Gospodin BAYSAK je počasni predsjednik i osnivač nekoliko Planinarskih Klubova.

Zbog nesebične ljubavi i patrioskog osjećaja prema Bosni i Hercegovini još za vrijeme rata dolazio je više puta u Bosnu i Hercegovinu pružajući svoju pomoć i podršku državljanima BiH. Pružio je pomoć oko smještaja , zdravstva , prehrane i ostalih potreba mnogim porodicima koje su zbog rata koji se desio u Bosni i Hercegovini izbjegle u Republiku Tursku i Izmir. Gospodin BAYSAK stipendira i pruža svaki vid pomoći studentima kako u Bosni i Hercegovini tako i onima koji studiraju u Republici Turskoj. U cilju unaprijeđenja privredne saradnje između dviju država organizovao je veliki broj uzajamnih posjeta i brojne susrete građana i privrednika iz Republike Turske i Bosne i Hercegovine. Bio je inicijator bratimljenja velikog broja gradova, općina i institucija između BiH i Turske a posebno grada Izmira. Gospodin BAYSAK kao Osnivač i Počasni predsjednik Federacije Udruženja Kulture Bosne i Hercegovine u Republici Turskoj, koja je član Svjetskog Saveza Dijaspore BiH, je u saradnji sa svim Udruženjima i Institucijama Bošnjaka iz Bosne i Hercegovine, Crne Gore, Sandžaka, Makedonije i Kosova u Republici Turskoj. Vijeće ministara Bosne i Hercegovine, na sjednici održanoj 12. septembra 2002. godine , donijelo je odluku o imenovanju gospodina BAYSAKA za Počasnog Konzula Bosne i Hercegovine u Republici Turskoj, sa sjedištem u Izmiru koji ima nadležnost u trinaest provincija koje se protežu od Çanakkale do Antalye.

Gospodin BAYSAK je 21. jula 2008. godine dobio Povelju "Počasnog građanina Grada Sarajeva" na ceremoniji održanoj u Gradskoj Biblioteci u Sarajevu. Isto tako Općinsko Vijeće Goražda je 18. septembra 2009. godine u Gradskom Kulturnom Centru gospodinu BAYSAKU dodijelilo Povelju "Počasnog građanina Općine Goražde". Na 5. Kongresu Svjetskog Saveza Dijaspore BiH koji je održan u Sarajevu, 21. maja 2010. godine BAYSAK je imenovan za "Prvog Ambasadora Svjetskog Saveza Dijaspore BiH". Za vrijeme tradicionalnog 27. Međunarodnog Festivala Književnosti "Dani Poezije" 4. decembra 2010. godine u Kulturnom Centru Dr. Slahattin Akçiçek u Općini Konak održana je ceremonija na kojoj je gospodin BAYSAK proglašen „Počasnim Doktorom Nauka“ od strane Međunarodne Naučne Institucije „VECTOR“ iz Azerbejdžana. Na istoj ceremoniji gospodin BAYSAK je dobio još jedno vrlo važno priznanje "Medalju Časti" koju mu je u ime Ujedinjenih Nacija (UN) kao priznanje za njegov dugogodišnji rad i doprinos međuljudskim i međudržavnim odnosima dodijelio osnivač i Počasni Predsjednik Međunarodne Naučne Institucije „VECTOR“ Prof. Dr. Elçin Iskenderzade. Za promociju vrijednosti demokratskog društva, položaja i ugleda države Bosne i Hercegovine, utemeljenim na općeprihvaćenim načelima savremenog svijeta, a posebno za nesebičan doprinos približavanju države Bosne i Hercegovine evropskim standardima i integracijama Ahmet Kemal BAYSAK je 26. februara 2011. godine dobio Povelju "Počasnog građanina Općine Bihaća" prilikom obilježava 751. godišnjice postojanja grada Bihaća. Općinsko vijeće Kakanj donio je jednoglasnu odluku na sastanku održanom 30. maja 2013. godine da se trg gdje se nalazi sahat-kula i džamija naziva "TRG AHMETA KEMALA BAYSAKA". Na održanom 14. skupštinskom zasjedanju Zeničko-dobojskog kantona, održanom 29. augusta 2015. godine povodom obilježavanja „Dana Zeničko-dobojskog kantona“, Ahmet Kemal BAYSAK je dobio Povelju „Počasnog građanina Zeničko-dobojskog kantona“. Zahvaljujući svom predanom radu i velikoj ljubavi prema Bosni i Hercegovini gospodin Baysak je 08. augusta 2013. godine imenovan za Počasnog generalnog konzula BiH u Republici Turskoj od strane Predsjedništva BiH. Oženjen je sa gospođom Pervin koja je takođe porijeklom iz Bosne i Hercegovine od oca iz porodice Čatović iz Trebinja i majke iz porodice Bračković iz Trebinja. Imaju troje djece dva sina i kćerku (Abdullah, Atilla i Ajšin) i sedmero unučadi.